

# *MINO AN'IZANY VE IANAO?*



Ary alohan'ny hivavahantsika, dia tiako ny hilaza an'ity, fa omaly hariva, mino aho fa izay ilay izy, dia nilaza tamin'ny ramatoa iray aho hoe, “Raha hanao arak'izay nampianarana antsika hatao fotsiny ianao, izany dia ho... ilay zazakely miaraka amin'ny loha ngeza be, hihena izany.” Dia nihena ny lohan'ilay zazakely, omaly hariva, antsasaky ny inch iray tamin'ny fametaran'ny tady iray. Noho izany dia nentin'ilay ramatoa eto izy ankehitriny.

<sup>2</sup> Ankehitriny, ny antony nanaovako an'izany, ranabavy, dia ho an'ny tanjona iray. Hitanao? Raha afaka mahita zavatra iray azo tsapain-tànana mitranga ianareo, dia hanao ny finoanareo hitombo izany mba hanohy hino an'ilay izy. Indraindray dia manao an'izany fotsiny aho mba, angamba, ohatra hangataka amin'ilay olona mba hitsangana, hanao dingana iray na roa, hanetsika ny tanaanareo, hanetsiketsika ny rantsan-tanaanareo, zavatra hafa iray fotsiny izay azon'izy ireo hatao, mamela azy ireo fotsiny hahita fa mety tsara daholo izany rehetra izany. Lasa mikorontan-tsaina fotsiny izy ireo ka mihevitra fa tsy hitranga ilay izy, saingy mitranga hatrany foana ilay izy. Hitanareo? Tsy maintsy mitranga izany.

<sup>3</sup> Firy no te-ho tsarovana ao amin'ny vavaka, ankehitriny? Hanangana ny tanaanareo fotsiny ve ianareo ka hanao hoe, “Tompo, ekeo izany”? Ndao isika hanondrika ny lohantsika.

<sup>4</sup> Tompo, raha mandre an'ity hira fiderana lehibe an'ny fiangonana ity izahay, nosoratan'ny sakaizako sarobidy, Paul Rader hoe, “Minoa Fotsiny,” dia mieritreritra izahay ankehitriny ny amin'ny zazalahy iray, izay nentin'ireo raïamandreniny teo amin'ireo mpianatra, tsy nihoatra ny folo andro akory taorian'ny nanomezan'i Jesosy azy ireo ny fahefana handroaka devoly sy hanasitrana ny marary, nefa indro izy ireo fa resy tanteraka teo amin'ny aretina androbe iray. Ary hitan'izy ireo ny Tomponay fa tonga. Dia nihazakazaka ilay ray ka nanao hoe, “Tompo, mamindrà fo aminay. Ampahorian'ny devoly amin'ny fomba samihafa ny zanakolahy. Nentiko teo amin'ireo Mpianatrao izy nefa tsy afaka nahasitrana azy izy ireo.”

<sup>5</sup> Hoy Jesosy hoe, “Mety Aho, raha mino ianao. Minoa fotsiny.” O Andriamanitra, tsy niova Ianao na dia kely aza hatramin'izay fotoana izay: Ianao no ilay Andriamanitra tia tsy miova mihitsy, mora fanahy, ary mitsetra. Tahaka ny naha-izy Anao tamin'izany, dia toy izany Ianao androany. Ary Tompo, tahaka an'io ray io, dia mitaraina izahay rehetra hoe, “Tompo, hamonjy amin'ny tsi-finoanay anie Ianao.” Tena tsotra ilay izy; tafintohina eo amin'izany fotsiny izahay, Ray.

<sup>6</sup> Te-hanolotra ny saotra ho Anao izahay ka hidera nohon'ny fikasihana an'io zaza kely io omaly hariva, ny mahita fa ilay karandoha, izay nivonto, izany hoe, nivoaka ilay taolana, izany dia nihena antsasaky ny inch iray omaly hariva. Mankasitraka izahay ny amin'izany, Ray. Fa fantatray hoe tsy manana na inona na inona ireo dokoteranay ao amin'ny fikarohana an'izany, tsy misy na inona na inona azon'izy ireo atao ho an'izany; saingy mbola Andriamanitra foana Ianao, ilay Tompon'ny toe-javatra rehetra. Misaotra Anao izahay, Ray. Misaotra Anao izahay nohon'ny fahatokian'io reny io, sy ny fahamorampanahy, ary ny fankatoavana nitondra an'ilay tady niverina ary nametaka azy eo ambonin'ity singan-taratasy ity, eto, mba haneho amin'ny besinimaro ny fijoroany vavolombelona ho an'ny voninahitr'Andriamanitra. Enga anie ho velona ilay zazakeliny ka ho ankizy iray ara-dalàna, ho an'ny Voninahitrao.

<sup>7</sup> Jereo ireo tàmana rehetra izay mitsangana ireo, Ray. Ny tsirairay avy amin'izy ireo dia manana ilaina iray. Ny ahy dia mitsangana, ihany koa, Ray, manana ilaina aho. Ary indro misy maro eto, amin'ny endrika taratasy na ao anatin'ity boaty ity, izay mila zavatra, olona izay tena mila zavatra. Aoka hiseho izany, Tompo, ka hahazo ny fangatahany ny tsirairay izao hariva izao. Enga anie izy ireo handray ny fijoroana vavolombelon'ity reny ity ka ho ohatra iray fotsiny mba haneho fa rehefa milaza zavatra iray Ianao, dia vita ilay izy. Izany dia . . . Ianao . . . Ny tokony hataonay fotsiny dia ny mandray an'ilay izy ary miasa eo amin'izany. Asa iray efa vita izany.

<sup>8</sup> Ekeo, Tompo, mba ny tsirairay avy amin'ireto taratasy sy mosara ireto, ireo olona izay hametrahana azy ireo, enga anie ho sitrana izy ireo. Ny tsirairay izay nanangana ny tàmany, Ray, enga anie izy ireo handray ny fanirian'ny fony. Mangataka an'izany, amin'ny Anaran'i Jesosy izahay. Amena. Afaka mipetraka ianareo.

<sup>9</sup> Te-haneho fotsiny aminareo an'ilay tady aho eto, izay ilay ramatoa (Eo ianareo izao. Am-ham.) . . . fa tena nihena tokoa ny lohan'ilay zaza kely araka ny nampanantenain'ny Tompo antsika tamin'ny alàlan'ny Fanahy Masina omaly hariva. Tsy mahafinaritra ve Izy? Noho izany, manome antsika fankaherezana betsaka tokoa mba hanana finoana sy hino izany.

<sup>10</sup> Ankehitriny, rehefa nilaza tamin'ilay hazo Jesosy, ao amin'ny Marka 11:23 hoe, "Tsy hisy olona hihinana avy aminao intsony manomboka izao," dia mety tsy nikiakiaka mafy Izy. Nahoana izany, am-pahatsorana, tena nalefaka Izy ny amin'izany, hany fotsiny ireo Mpianany ka . . . Heveriko fa anankiray tamin'izy ireo no nandre Azy. Ary izany . . . Rehefa io tratry ny androbe io, rehefa tonga teo anatrehan'ny Tompo Jesosy izy, dia tratry ny fihetsehana mafy indrindra izay tsy mbola nananany ilay zazalahy; angamba, lavo teo amin'ny tany toy ny maty izy, saingy

fantany fa nihaona tamin'ny Olona iray Izay nanana finoana ambony lavitra noho ireo apostoly ireo izy.

<sup>11</sup> Ankehitriny, tiako ny olona iray izay tsy nino ny fanasitranana avy amin'Andriamanitra mba handinika an'ity. Jesosy dia nanome azy ireo ny fahefana handroaka an'ireo fanahy, nefa tsy nahomby izy ireo. Tsy ilay fahefana no tsy nahomby, fa izy ireo no tsy nahomby. Jesosy dia niteny tamin'izy ireo:

“Nahoana izahay no tsy afaka namoaka azy?”

Hoy Izy hoe, “Nohon'ny tsi-finoanareo.”

<sup>12</sup> Mbola manana fahefana iray foana ny fiangonana. Tsy nanaisotra ny Fahefany tamin'ny fiangonana mihitsy Andriamanitra, fa ny fiangonana no tsy manana finoana ampy hihetsehana eo amin'izany. Izay ihany. Tsotra tahaka an'izany fotsiny ilay izy. Isika no miezaka manao azy ho tena sarotra indraindray, saingy arakaraky ny hanamoranareo ny Filazantsara, no hahazoanareo ny zava-misy betsaka, rehefa tena lasa tsotra miaraka amin'izany ianareo hoe: Andriamanitra no niteny an'izany; milamina hatreo izany; ary izay ihany. Dia inoy fotsiny ilay izy, mandrosoa.

<sup>13</sup> Rehefa hoy Jesosy hoe, “Tsy hisy olona hihinana avy aminao intsony,” nahoana, ireo ravina dia tena tsara tarehy sy namiratra arak'izay hany naha-izy azy ireo mihitsy. Ilay hodi-kazo dia saiky mitovy amin'izany, saingy tao ambany lalin'ilay tany tao amin'ireo fakany tao ireo, dia nanomboka niha-nihena ilay aina.

<sup>14</sup> Toy izany koa eo amin'ny homamiadana iray, eo amin'ny karazan'aretina rehetra izay—izay mety ho tianareo eritretina. Rehefa afaka manaiky ny Tenin'Andriamanitra ianareo, ao ambany lalina ao amin'ireo fakany, mety ao ilay homamiadana; mety mihenjana mihitsy ny tanaanareo. Tsy misy idiran'ny fanasitranana avy amin'Andriamanitra mihitsy izany. Ilay izy dia hoe, “Raha mety mino ianao.” Hitanareo? Ao ambany ao any ho any, dia efa mandeha miasa ilay izy.

<sup>15</sup> Hoy Jesosy hoe, “Raha milaza amin'io tendrombohitra io ianareo hoe, ‘Mifindrà,’ ka tsy misalasala ao am-ponareo, fa mino fa izay nolazainareo dia hiseho, dia afaka mahazo izay nolazainareo ianareo.” Tsy maha-te-ho tia ve izany? Avy tamin'iza izany? Ilay Zanak'Andriamanitra, Ireo Teniny. . . Ny lanitra sy ny tany ho levona, fa ankehitriny. . . fa Ny Teniny tsy ho levona.

<sup>16</sup> Ankehitriny, ny fomba tokana izay ahafahanareo manao an'izany, dia tsy maintsy manana an'ilay tanjona marina sy ilay antony marina ianareo. Ankehitriny, raha tonga teto aho ka nanao hoe, “Hasehoko anareo fa afaka mamindra an'io tendrombohitra io aho hoe, ‘Mifindrà, ry tendrombohitra.’” Tsy hifindra mihitsy izy. Tsia tokoa. Tsy mampaninona izay

nananako. Ilay izy dia tsy maintsy ho...Voalohany dia tsy maintsy mahita ny sitrapon'Andriamanitra ianareo.

<sup>17</sup> Izany no antony, mazàna ao anatin'ireo laharam-bavaka, izaho—manana an'ilay tena sarotra indrindra aho, dia satria zavatra izay nandalo teo amin'ireo laharana sy ny sisa ilay izy, ary eo izany no mitamberina aminareo. Saingy hitanareo, raha manana fahotana tsy voabebaka ianareo...Efa mba nahamarika ve ianareo teo amin'ny fisehon-javatra iray, alohan'ny angatahako an'ilay fanahy ratsy hiala? Mandinika an'io fisehon-javatra io tena azo antoka mihitsy aho mba hanana antoka fa tsy misy na inona na inona ao amin'io fiainana io izay mety hanakana zavatra, hitanareo, satria tsarovy, eo amin'ireto fanomezam-pahasoavana ireto, dia mety ho tratry ny olana ianareo eo amin'izy ireo.

<sup>18</sup> Andriamanitra, tsaroanareo indray mandeha, dia nanome mpaminany iray... nanao mpaminany iray avy amin'ny lehilahy anankiray, Mosesy, ary niteny taminy mba hidina, hiteny amin'ilay vatolampy. Ary taitaitra tanteraka ilay mpaminany, ka nandeha, ary nikapoka an'ilay vatolampy, miresaka ny amin'ny fahalemen'i Kristy, hoe tsy maintsy ho faty fanindroany Izy na kapohina fanindroany. Izy dia nanana fahefana hanao an'izany, saingy tsy izany ilay sitrapon'Andriamanitra.

<sup>19</sup> Tsy afaka ny hino mihitsy aho hoe sitrapon'Andriamanitra ny nandehanan'i Elia teo, satria namazivazy azy nohon'ny naha-sola loha azy ireo ankizy ireo, tsy mihevitra aho fa hoe tsy maintsy nanao an'izany izy. Saingy mpaminany iray izy, ary tezitra, ka nametraka ozona iray teo amin'ireo ankizy ireo ka bera vavy roa no namono ankizy kely tsy manan-tsiny roa amby efapolo. Hitanareo? Saingy tsy mino aho fa hoe tsy maintsy nanao an'izany izy. Ary ilay izy fotsiny—fotsiny... isika... .

<sup>20</sup> Andriamanitra, mino aho androany, fa alohan'ny Ametrahany ny Fiangonany ao amin'ny hery, dia mizaha toetra ny Fiangonany Izy mba hahita an'izay hataony.

<sup>21</sup> Isika...amin'ny manaraka, angamba, raha sitraky ny Tompo rehefa miverina aho, dia hanana fotoana hijanonana maharitra eo amin'ny zavatra iray tahaka an'izany isika, eo amin'ny zavatra izay natao hitranga, ary avy eo dia hahafantatra bebe kokoa mikasika an'izany isika amin'izay fotoana izay.

<sup>22</sup> Fa raha hiteny ny teny fotsiny ianareo, dia manaova hoe, "Tompo, mino an'izany aho," aza misalasala, ho entitra amin'izany ao am-ponareo... .

<sup>23</sup> Ankehitriny, atao hoe ohatra, tany amin'ny lohasaha iray aho, ary izaho tsy...Mitory teny amin'ny olona an-tapitrisany aho, saingy eo am-pitan'ilay tendrombohitra eo, dia misy vondron'olona zato, ary eo am-pahafatesana tsy mahafantatra an'i Kristy izy ireo. Eny, manana iray tapitrisa aho eto hitoriana teny, kanefa, misy Zavatra ao am-poko izay miteny amiko hoe,

“Miampità mankeny amin’ireo olona ireo. Mandehana mankeo amin’izy ireo. Eo am-pahafatesana izy ireo.” Tsy te-handeha ny tenako, saingy misy Zavatra ato anatiko. Hitanareo, izany no Andriamanitra amin’izay fotoana izay, mihetsika. Jereo hoe inona ilay tanjona, jereo hoe inona ilay antony handehanana, tsy ho an’ny tena. . . Ankehitriny, raha hoy aho hoe, “Eny. . .” Raha marina ny tanjoko handehanana eo, nefa amin’izay fotoana izay dia miakatra eto aho ka misy tendrombohitra goavana iray eto, dia hoy aho hoe, “Fantatrareo, raha tafakatra eo amin’io tendrombohitra io aho ka mahavonjy an’ireo olona an-jatony rehetra ireo, dia hanao tsangambato eo izy ireo indray andro any hoe: Rahalahy Branham, ilay misionera malaza.” Ankehitriny, tsy marina ilay antoko. Tsy hianjera ilay tendrombohitra. Tsia, tompoko.

<sup>24</sup> Fa raha marina ny antoko sy ny tanjoko, ary Andriamanitra ato am-poko no mitarika ahy, ka tsy afaka hiakatra an’ily tendrombohitra aho, hanodidina an’ily tendrombohitra, ho ao ambanin’ily tendrombohitra, dia hilaza aho hoe, “Ry tendrombohitra, mifindrà.” Angamba izy. . . Rehefa milaza an’izany aho, ary vantany vao milaza an’izany aho miaraka amin’io karazana fanahy marina io, tarihin’ny Fanahy Masina, ao amin’ny sitrapon’Andriamanitra, mety tsy hisy afa-tsy eran’ny sotro kely iray avy amin’io tendrombohitra io no hihintsana, saingy eo amin’ny lâlany izy. Ny ampitso dia mety hisy roa livatra hianjera. Ny ampitso dia ampahefatry ny taonina iray. Ary angamba afaka iray volana, dia dimy taonina no mihintsana. Inona ny amin’izany? Mety tsy mbola mahita an’ily izy akory aza aho, saingy eo am-pifindrana izy, eo amin’ny lâlany. Hijanona tsara eo mihitsy aho ka handinika an’ily zavatra vita, satria Andriamanitra no niteny an’izany dia milamina hatreo fotsiny ilay izy.

<sup>25</sup> Afaka mihevitra an’izany mikasika ny reninao any ve ianao izao hariva izao? Eny àry, raha hihevitra an’izany ianao, dia ho salama izy. Eny àry. Izany hoe raha mino an’ily izy fotsiny ianao: teneno fotsiny ilay teny dia mijanona miaraka amin’izany. Hitanareo? Inoy fotsiny ilay izy; mifikira eo amin’izany. Izany no Fiainana Mandrakizay.

<sup>26</sup> Ankehitriny, rahampitso tolakandro. . . Niteny tamin’i Billy aho, izao hariva izao, hanajanona fotsiny an’ireo karatra fangataham-bavaka, fa te-hiresaka aho. Miaiky amin’ny fahamarinana aho, efa nandeha aho hatramin’ny Janoary, tany am-pitan-dranomasina, dia niverina, tany Phoenix, nody avy hatrany, dia niverina, ary tena tanteraka (io famantarana io) hany ka tena reraka aho ka zara raha mahafantatra matetika hoe aiza aho no mitsangana. Saiky manao ahy ho torotoro tanteraka ilay izy.

<sup>27</sup> Ary avy eo, tsy maintsy mandeha aho, ary izy ireo. . . ianareo—ianareo rahalahy no nanasa ahy hijanona mandritry

ny andro vitsivitsy. Toy ny ahoana no ankasitrahako an'izany. Mihevitra tokoa aho fa andiana mpitoriteny mahafinaritra iray ity eto ity. Maniry aho ny ahafahantsika hanana fotoana kely amboniny ho an'ny fiombonana. Raha sitraky ny Tompo, dia hiverina aho indray andro any. Tsy misy zavatra hafa, mandeha fotsiny avy amin'ny fiangonana anankiray mankany amin'ny hafa ary mandeha manerana ny tanàna sy mitsidika anareo rehetra. Ho faly aho ny hanao an'izany: ny zavatra rehetra izay azoko hatao hanampiana ny Fanjakan'Andriamanitra, izany no izy, raha tianareo ny hanaovako an'izany. Ary ny miverina indray andro any ka hikambana aminay dia hanana fivoriana mahafinaritra, tsara iray any ho any.

<sup>28</sup> Ary tsarovy, ry rahalahy, hivavaka ho anareo aho. Zavatra iray azo antoka izany. Ary tiako ianareo rehetra hivavaka ho ahy, ianareo rehetra.

<sup>29</sup> Ary ankehitriny izaho—izaho dia... Rahampitso maraina dia fotoam-piangonana ao amin'ireo fiangonana mahafinaritra samihafa rehetra manerana ny tanàna.

<sup>30</sup> Ankehitriny, eto ny sasany amin'ireo vondrona avy any Jeffersonville. Ny sasany amin'ireo sakaizako, ny iray amin'ireo mpitantan-draharahako ao amin'ny fiangonana, dia eto, Rahalahy Fred Sothmann. Tsy afaka mahita azy mihitsy aho ato amin'ny fivoriana. Ary rahalahy... Oh, maro hafa amin'ireo sakaizako avy any Jeffersonville any, ny mpi...ny mpitan-tsoratro any sy—sy ny rehetra dia eto, any ho any ato amin'ny fivoriana. Tsy mbola hitako izy ireo.

<sup>31</sup> Ary rahalahy, misy fiangonana mahafinaritra vitsivitsy eto amin'ity tanàna ity. Ary ny sisa rehetra aminareo mpitsidika, mitadiava anankiray amin'izy ireo ary mandehana mankany amin'ireo fiangonana ireo rahampitso. Hanao soa ho anareo izy ireo, azoko antoka. Rahalahy izay mino an'ity karazana asampanompoana iray ity izy ireo. Izany no antony ipetrahan'izy ireo eto ambonin'ity lampihazo ity sy eo ambany ao amin'ireo toerana eto ireo, satria mino an'izany izy ireo. Ary mankasitraka an'ireo lehilahy ireo aho.

<sup>32</sup> Tompo, tahio ity fivorian'ny Full Gospel Businessmen eto ity izay—izay nanohana an'ity fivoriana ity. Misy...Mino aho fa marina izany, izay nanohana ny fivoriana. Izaho—nahazo betsaka an'ireo fanohan'izy ireo aho, satria ao anatiny ao... Tsy tokony ho tahaka an'izany izahay, saingy matetika, dia mamela fahasamihafana bitika kely ireo rahalahy: ohatra hoe ny lehilahy iray dia mino *zavatra* kely; ny iray hafa, *zavatra* kely; karazana manao fivakisana kely sy ratra ratsy avy tany aoriana tany izany. Tokony ho sitrana izany amin'ny alàlan'ity fotoana ity, saingy izany—izany... Ary raha ianareo, na, raha mandray ny Full Gospel Businessmen aho, amin'izay fotoana izay dia hanampy kely izany hamehy an'ilay izy, fa mivory miaraka

izahay, ary manana tena fiombonana miaraka, tena fotoana tsara. Koa mankasitraka an'izany izahay. Andriamanitra anie hitahy an'ity fivoriana ity. Mino aho fa ny Tompo no nanangana azy ho an'ny tanjona iray.

<sup>33</sup> Ankehitriny . . . ary avy eo dia nanana an'ilay tombontsoa lehibe an'ny fahitana ny toeran-dRahalahy Oral Roberts aho indray andro. Ary oadray, tena toerana iray goavam-be izany, tena zavatra iray tsara tarehy. Izany dia—tsangambato iray ho an'ny Pentekosta izany.

<sup>34</sup> Avy eo dia nandeha nankany amin'ny an'ny Rahalahy Tommy Osborn aho, toerana hafa iray mahafinaritra, lehilahin'Andriamanitra mahafinaritra, izay . . . Izaho sy Rahalahy Tommy dia mifanakaiky mihitsy, ary Rahalahy Oral, ihany koa, tena mpirahalaly mifanakaiky mihitsy, sady mifankatia izahay, ary miezaka ny tsaranay indrindra hisa amin'ny zavatra rehetra izay vitanay ho an'ny soa ho an'ny olona ao amin'ny Fanjakan'Andriamanitra.

<sup>35</sup> Noho izany dia mankasitraka tokoa an'ireo lehilahy ireo izay eto amin'ity tanàna eto ity aho eo anivon'ny sisa amin'ireo lehilahy mahafinaritra izay anananareo. Ianareo ondry dia manana mpiandry ondry mahafinaritra. Izaho fotsiny, hilaza an'ilay izy tahaka an'izany aho. Ny fivavako dia enga anie ny Tompo hanohy homba anareo rehetra. Ary ankehitriny rahampitso tolakandro, izaho . . . Amin'ny firy no manomboka ny fotoana, ry rahalahy? Amin'ny roa sy sasany. Ndao atao hoe amin'ny iray—amin'ny iray na amin'ny iray sy sasany dia tokony ho eto ianareo mba tsy hisakana ny sisa amin'ireo fotoana.

<sup>36</sup> Ankehitriny, raha mbola tsy niteny taminareo ireo zazalahy, izao hariva izao dia manana boky izy ireo, sary sy ny sisa, ary horonam-peo, sy kapila, ary . . . an'ireo fivoriana, ary mivarotra an'ireo izy ireo. Fa tsy havelanay hivarotra an'ireo izy ireo amin'ny Sabata, rahampitso. Tsy misy boky na inona na inona hamidy rahampitso. Noho izany izahay dia tsy . . . tsy namela an'izany mihitsy izahay. Na dia maro aza no nilaza hoe, “Tena diso ianareo . . .”

<sup>37</sup> Ary Dada Bosworth antitra no nilaza tamiko taloha hoe, “Oh, Rahalahy Branham, diso ianao eo,” saingy tahaka an'izany no tsapako (Hitanareo?), ary izaho—mahatsapa aho. Raha mila anankiray ianareo, dia manome anankiray ho anareo izy ireo, fa raha ianareo . . . Fa izahay dia tsy afaka mivarotra amin'ny—amin'ny Sabata. Tsia. Izay ihany. Raha mino an'izany aho, dia tsy maintsy miaina an'izany, izao fotsiny . . . Tsy maintsy miaina an'izany amin'ny tenako aho. Hitanareo? Ary izaho—tsy maintsy miaina amin'ny fandresen-dahatro aho ka noho izany . . . Raha tsy izany dia afaka maniraka mankany an-trano ianareo, ary, any an-trano any, any amin'ilay toerana ary maka azy.

<sup>38</sup> Ankehitriny izao hariva izao, oh, ndao fotsiny isika rehetra hanadino an'izany mihitsy, oh, fa mişy asa iray ho vitaina, na zavatra hafa, na ireo asa mafin'ny andro. Ndao isika hametraka ny zavatra rehetra eny amin'ny sisiny, ka hijery ao amin'ny Teny mandritry ny minitra vitsy, ary hahita an'izay tian'Andriamanitra ho tenenina amintsika amin'ny alàlan'Ny Teniny. Ary hivavaka aho mba hanomezan'Andriamanitra antsika fitahiana iray lehibe indrindra izao hariva izao.

<sup>39</sup> Gene, afaka misambotra azy ho ahy ve ianao? Afaka misambotra an'io zazavavy kely io ho ahy ve ianao? Tsy zavatra kely tsara tarehy iray ve izy? Ho tianao ve ny handeha any an-trano miaraka amiko ka hilalao miaraka amin'ny Sarah keliko, saiky *izao* ny halavany? Oh, ho tianao ve? Izaho—tiako hanaiky ianao. Saiky toy ny halehibenao mihitsy izy, ary zazavavy kelin'i Dada izy. Am-ham. Ham. Ary mifanamby aho fa ianao—ianaosy dia tia an'ny Dadanao ihany koa, sa tsy izany? Mama? Oh, azo antoka fa tia ianao. Ilay zazavavy kely tsara tarehy indrindra, mipetraka eto aho, mijery. Ireo maso kely dia mitovy amin'ny lavaka may roa eo amin'ny bodofotsy iray ary—ary volo volontany kely.

<sup>40</sup> Tiako fotsiny ireo ankizy kely. Manana zazavavy kely roa aho any an-trano. Ny anankiray amin'izy ireo dia Rebekah ary ilay anankiray hafa dia Sarah.

<sup>41</sup> Vao tsy ela akory izay teto, dia tany lavitra tany aho. Samy zazavavy kelin'i Dada izy roa, fantatrareo, ary tiako izy ireo. Ary vantany vao miditra izy ireo dia tsy maintsy manome fibabena iray ho azy ireo aho, ary... Becky fotsiny no lasa goavana loatra amin'izany; goavana tahaka ahy izy. Afaka hamolaka ny lamosiko izy ankehitriny; izy dia... saingy mbola zazavavy kelin'i Dada foana izy, na ahoana na ahoana. Ary ankehitriny, eo amin'ny taona hafa iray eo, dia te-hametraka azy ao amin'ny sekoly Biblika any ho any izahay ary lavitry ny sekolim-panjakana.

<sup>42</sup> Ary noho izany, niandry an'i Dada izy ireo, fantatrareo, mba hiverina any an-trano. Tany amin'ny fivoriana tany ivelany aho. Ary rahampitso hariva dia hiandry ahy hatramin'ny misasakalina izy ireo hiezahako hiditra. Ary noho izany, niditra tena aloha be aho ny maraina, nanodidina ny tamin'ny telo na tamin'ny efatra. Dia nanatona ny varavarana i neny ka namela ahy hiditra, ary tena reraka sy vizaka aho, izaho... Eto amin'ny lampihazo, izaho... rehefa ny... voahosotra dia toy ny mahafinaritra ilay izy, fa vantany vao miala aminareo izany, dia eo ianareo no tratry ny olana. Firy no efa mba nahafantatra an'izany? Nahoana, azo antoka fa izany ilay izy.

<sup>43</sup> Jereo. Nandeha teny an-tendrombohitra i Elia ary niantso afo avy tany an-danitra, niantso orana avy tany an-danitra, ary avy eo rehefa niala tamin'ny Fanahy, dia nirenireny tany an-



efitra efapolo andro izy ary hitan'Andriamanitra, nihataka tao anatin'ny zohy iray tany ho any.

44 Jona, nandeha izy ary nijanona velona tao anatin'ny kibon'ny trozona iray nandritry ny telo andro sy alina, naloa teo amin'ilay morona ary nandeha nitovy teny nanerana. Nibebaka ilay tanàna manontolo ary nanatona an'Andriamanitra. Ary rehefa niala taminy ilay hosotra, dia niakatra teny an-tampon'ilay havoana izy ka nangataka tamin'Andriamanitra mba hanala ny ainy. Hitanareo?

45 Nitsangana teo akaikin'ny fasan'i William Cowper aho, vao tsy ela akory izay, izay nanoratra an'ilay hira fiderana malaza izay ampiasaintsika amin'ny fotoam-pandraisantsika hoe:

Misy Loharano iray Feno Rà,  
Nosintonina avy tamin'ny lalan-dràn'Imanoela,  
Rehefa mitsoboka ao ambanin'ilay riaka ny  
mpanota . . .

46 Efa mba renareo ve hoe inona izy . . . no nitranga taminy? Rehefa avy niala taminy avy tamin'izany ilay tsindrimandry, dia niezaka ny hahita an'ilay renirano izy mba hamono tena.

47 Mipetraka eo ampitan'ny Kentucky Home tranainy mihitsy aho. Ary Stephen Foster no nanome an'i Amerika ny vako-drazany malaza indrindra. Ary rehefa nanoratra izy, nahazo tsindrimandry, io tsindrimandry io, dia nanoratra hira iray, avy eo rehefa nivoaka avy tao amin'izany izy, dia lasa nandeha nanao mamo. Farany, dia niantso mpiasa iray sy naka hareza ary namono tena.

48 Ny olona dia tsy mahafantatra hoe inona no andalovan'ireny olona izay miaina ao anatin'ny faritra ara-panahy ireny. Ankehitriny *eto*, dia mahatsapa ianareo fa afaka hamindra tendrombohitra iray. Saingy avelao fotsiny hiendaka aminareo ilay hosotra, dia manomboha mandalo amin'io varavarana io (raha tsy misy olona iray eo handramby anareo, hitanareo) ary avy eo, angamba mandritry ny ora vitsy ianareo dia zara, manontany hoe aiza no misy anareo. Ary avy eo isan-kariva, dia mitaky ny tsara indrindra aminareo izany.

49 Ary kely . . . Te-hiteny aminareo mikasika an'i Sarah kely sy Rebekah aho. Noho izany ny ampitso maraina, tsy nety natovy aho, dia nifoha aho, nipetraka teo amin'ny seza iray, ary afaka kelikely i Becky, satria zokiny, izy dia—nanana ranjo lava kokoa noho i Sarah, ary noho izany dia nanatona nihazakazaka i Becky . . . nifoha, nitsambikina niala teo amin'ny fandriana, tsy namoha an'ilay rahavavy keliny, dia indro izy fa tonga nitety an'ilay trano, nihazakazaka mafy arak'izay vitany. Hoy izy hoe, “Dada, Dada . . .” Natsotrako ny iray amin'ireo ranjoko, dia nitsambikina nitsilany teo izy, tena nisavily tsara. Somary mitovy amin'ilay—ilay fiangonana moderina, fantatrareo, efa tao amin'ilay lalao nandritry ny fotoana ela, fantatrareo,

nandritry ny an-jato taonany maro. Afaka nampisavily ny tenany tsara mihitsy izy, ary nametraka ny sandriny nanodidina ahy ka nanao hoe, “Oh, ny Dadako, ny Dadako . . .”

<sup>50</sup> Ary i Sarah kely dia, noho ilay tabataba, nifoaha. Eny, tsy fantatro na manao an’izany ireo zanakareo na tsia; ny ahy dia manao: Ilay zandriny indrindra no manao an’ireo akanjo tranainy. Ary noho izany dia i Sarah no niakanjo ny akanjomandrin’i Becky, saiky lava be tahaka an’izao ilay tongony, fantatrareo. Koa indro tonga izy, ankizy kely bitika fohy, nianjera, tafintohina. Dia tonga teo izy, tara kely. Noho izany dia nitodika i Becky, nanao hoe, “Sarah, ry rahavaviko, te-hitany zavatra iray aminao aho.” Hoy izy hoe, “Izaho no teto voalohany. Izaho no manana ny fananan-tokana. Noho izany dia azoko daholo ny rehetra amin’i Dada ka tsy misy tavela ho anao intsony.”

<sup>51</sup> Tahaka an’izany no ezahan’ny olona sasany eritreretina mikasika ny fivavahana, sa tsy izany? Ah-hah. Marina izany.

<sup>52</sup> Ary i Sarah kely mampalahelo, napotsany ny molotra keliny, dia nijery ahy ireo maso keliny mainty, ka nanomboka nitomany izy. Ary nanao ny takolany hipaika amin’ny ahy i Becky, namihina ahy. Tiako izy. Dia nanomboka nandeha niala i Sarah satria i Becky no nahazo ny rehetra an’i Dada. Novelariko haingana tahaka an’izao ilay lohalika hafa dia nanao fihetsehana kely ho azy tahaka an’ity. Oh, niakatra haingana mihitsy ny herin-tsainy dia nihazakazaka, nitsambikina teo amin’ny lohaliko mba . . . Tsy dia naharitra ela loatra teo izy ary tsy nahatakatra ny gorodona akory aza ireo ranjony. Karazan’ny mpivembena kely izy (angamba, tahaka ahy, mpivembena kely iray fotsiny, fantatrareo), ary izy tsy . . . tsy afaka nahatakatra ny gorodona. Tsy anaram-piangonana goavana iray izy, fantatrareo, ary noho izany dia tsy afaka midina eo amin’ny gorodona mafy izy. Tsy dia naharitra ela be teo izy.

<sup>53</sup> Ary noho izany, dia nivembena kely izy, ary nataoko nanodidina azy ny sandriko roa tahaka an’izao dia nofihiniko nanakaiky ahy izy, ary nataony namirapiratra ireo maso keliny mainty, dia nitodika tany amin’i Rebekah izy. Hoy izy hoe, “Rebekah, ry rahavaviko,” izy—hoy izy hoe, “mety marina fa azonao daholo ny rehetra amin’i Dada, saingy tiako ianao hahafantatra zavatra anankiray: azon’i Dada daholo ny rehetra amiko.” Noho izany . . .

<sup>54</sup> Izany dia . . . Noho izany fotsiny dia Azony daholo ny rehetra amiko. Mety tsy manana fianarana aho mba hampahafantatra an’ireo zavatra goavana, saingy raha mbola fantatro fotsiny fa Azony daholo ny rehetra amiko, ao amin’ny fivembenako, mamela Azy fotsiny hanana an’ireo sandry roa manodidina, dia izany fotsiny no hamela ahy hahatsapa ho tsara.

55 Eny, ndao isika hanolotra tonom-bavaka kely hafa iray ho Azy alohan'ny anokafantsika ny Teny.

56 Ankehitriny, Ray any An-danitra, fantatray fa tahaka ny ankizy mihitsy ihany koa izahay. Ary—ary Tianao ny miaraka aminay, sy manompo miaraka aminay. Ary raha manompo Anao izahay, ka Ianao tia anay, ary mihazona anay eo amin'ny Sandrinao, dia iraho midina Ny Fanahinao Masina, ka ataovy mahafantatra izahay fa velona Ianao ary Ianao no Rainay, misaotra Anao betsaka izahay. Ankehitriny, aoka ho tonga eo aminay ny Fanahy Masina izao hariva izao. Tiavo ny fo tsirairay, Tompo. Omeo fitahiana iray vaovao izahay. Arotsahy aminay ireo andon'ny famindram-po, Ray. Aza mijery ny fahotanay. Maro loatra izy ireo. Tompo, avelao fotsiny izy ireny. Adinoy izy ireny, Ray, ka raiso fotsiny eo an-tSandrinao izahay, ary—ary sitrano ny aretinay, ka—ka diovy ny ainay, ary afaho ny fanahinay, Tompo, mba ahafahanay manompo sy midera Anao, mba ho tahaka an'ireo ankizy kely mihazakazaka manerana ny trano, mahafantatra fotsiny fa miambina anay io Dada io. Ekeo izany, Tompo.

57 Ankehitriny, tsy misy olona afaka ny—ny handika ny Teny. Fantatray izany. Nahita ny Boky teo an-tànana ankavanan'Ilay nipetraka teo amin'ny seza fiandrianana i Jaona, ary tsy nisy olona tany an-danitra, na tety an-tany, na tany ambanin'ny tany izay mendrika ny haka an'ilay Boky mba hanokatra azy, na hamaha an'ireo tombokase. Fa tonga teo ny Zanak'ondry iray, izay efa voavono hatramin'ny fanorenana an'izao tontolo izao. Ary Izy no mendrika. Dia nandray ny Boky Izy, ary namaha an'ireo tombokase, ka nanokatra ny Boky. O ry Zanak'ondry, avia izao hariva izao. Sokafy ho anay ilay Boky, Ray, raha miandry Anao izahay, fa mangataka an'izany amin'ny Anaran'i Jesosy, ilay Zanak'ondrin'Andriamanitra izahay. Amena.

58 Nisafidy aho izao hariva izao, andinin-tSoratra kely iray eto avy amin'ny teny telo. Saingy voalohany dia te-hamaky andininy iray na roa avy ao amin'ny Masindahy Jaona aho, ny toko faha-11 manomboka amin'ny andininy faha-23.

*Jesosy nilaza taminy hoe, Ny anadahinao dia hitsangana indray.*

*Marta nilaza taminy hoe, Fantatro . . . fa hitsangana indray izy amin'ny fitsanganana amin'ny andro farany.*

*Jesosy nilaza taminy hoe, Izaho no fitsanganana sy . . . fiainana: izay mino ahy, na dia maty aza izy, dia ho velona indray:*

*Ary na iza na iza velona ka mino ahy dia tsy ho faty mandrakizay. Mino an'izany ve ianao?*

*Izy nilaza taminy hoe, Eny, Tompo: Mino aho fa ianao no Kristy, ilay Zanak'Andriamanitra, izay ho tonga amin'izao tontolo izao.*

59 Ary ho an'ny lahateny iray dia maniry aho ny hampiasa an'ireto teny telo ireto: *Mino An'Izany Ve Ianao?*

60 Namaky tantara iray aho vao tsy ela akory izay. Heveriko fa tantara noforonina iray ilay izy. Ary ny ankamaroan'ny mpitoriteny rehetra, heveriko, dia efa namaky ny bokin'i Dr. Ingraham ny amin'ny—ny amin'ny *The Prince Of The House Of David*. Boky malaza iray izany. Izany dia, heveriko, fa tsy atonta printy intsony izany. Tiako ny hanana azy ho atonta printy, mba ahafahako mametraka azy ho eo anivon'ny olona.

61 Ary ao anatin'ny aho, dia namaky lahatsoratra kely iray aho ny amin'ity Lazarosy ity, sy ny amin'i Jesosy, sy Maria, ary Marta, izay, ireo anabavin'i Lazarosy. Ary namaky aho tao anatin'ny tao fa tao Jesosy no nipetraka, mino aho, niaraka tamin'i Marta sy Maria. Samy zazavavy Hebreo maha-te-ho tia izy roa ireo. Ary Lazarosy dia nianatra na niofana mba ho mpanora-dalàna iray tao an-tempoly, nanamboatra an'ireo literan'ny lalàna ho an'ireo mpisorona.

62 Ary nanana fiombonana lehibe Jesosy, indrindra tamin'i Lazarosy. Rehefa mamaky ao amin'ilay boky izay Nahatongavany tao an-tranon'izy ireo isika, ary i Marta dia votsa kely amin'ny fihainoana an'ireo Teniny, fa tsy maintsy nanao ny sakafo hariva ho vonona sy nanamboatra ny latabatra izy, fa i Maria dia nipetraka teo an-Tongony. Ary nilaza Jesosy fa i Maria no nisafidy an'ireo zavatra tsaratsara kokoa.

63 Ary avy eo, dia nilazana isika fa Lazarosy no ilay nitondra an'i Jesosy teo amin'i Jaona, ao amin'ilay tantaran'ny bokin'i Dr. Ingraham, ary . . . ny amin'ny *The Prince Of The House Of David*. Kanefa, mety tsy ho marina izany, tsy mahafantatra aho, saingy ho an'ny fototr'ilay izy fotsiny, fa natao ho efa niaina niaraka tamin'izy ireo Izy.

64 Ankehitriny, efa nianatra isika tamin'ity ho avy ity, ity herinandro farany ity, raha ny marina, fa Jesosy no nilaza ao amin'ny Masindahy Jaona 5:19 hoe, “Izaho. . . Tsy mahazo manao na inona na inona amin'ny Tenany ny Zanaka, fa izay Hitany hataon'ny Ray: dia izany koa no ataon'ny Zanaka. Miasa ny Ray dia miasa ny Zanaka mandraka androany.” Hitanareo? “Izay Hitany ataon'ny Ray.”

65 Noho izany mba hanaovana an'ity ho tena tantara marina, dia ny Ray, Andriamanitra, no tsy maintsy niteny tamin'Ny Zanany, Jesosy, ka nanao hoe, “Ny Sakaizanao, Lazarosy, dia ho faty, saingy ho an'ny soa izany, noho izany dia mialà Ianao amin'ilay trano. Mandehana, satria izany dia hangatahana Anao hivavaka ho azy, na, hanao azy ho salama, fa—fa tsy Tiako ny Hanaovanao an'izany.” Raha handinika an'ilay tantara ianareo arakaraky ny handrosoantsika, dia ho hitanareo fa miafara amin'ilay tena fahamarinan'izany io. Noho izany, Jesosy, tsy nampitandrina mihitsy na inona na inona, dia

nandeha nanalavitra an'ilay trano ka nandeha tany an-kafa tany ho any, tsy niverina tamin'io alina io. Koa nandeha tany amin'ireo tanàna hafa Izy. Ary vantany vao niala tamin'ilay trano Jesosy, dia tamin'izay fotoana izay no niditra ny olana.

<sup>66</sup> Ary rehefa miala ao an-tranonareo Jesosy, dia eo amin'ny lalany izay ny olana. Tsarovy fotsiny, rehefa miala ao an-tranonareo Izy, dia eo an-dàlana izay ny olana. Rehefa mampiditra an'ireo fikambanana sosialy sy ny sisa hiasa ao amin'ny fiangonanareo tanteraka mihitsy ianareo, ohatra hoe Rickenbacker iray goavana be enina ambin'ny folo cylindres, ka mamela an'i Jesosy any ivelan'izany ianareo, rehefa miala ao amin'ny fiangonanareo Jesosy, dia eo an-dàlana izay ny olana. Eny, tompoko, rehefa miala amin'ny anaram-piangonana iray Jesosy, ka apetrak'izy ireo eny amin'ny sisiny Izy ary manao hoe, “Eny, ankehitriny dia tsy mino fotsiny izahay fa mety ho marina mihitsy tokoa ireo zavatra ireo,” ka manangana zavatra hafa ianareo, dia eo amin'ny lalany izay ny olana. Tsarovy fotsiny izany.

<sup>67</sup> Izany dia mampahatsiahy ahy ny tantara iray an'ny Tompo Jesosy, izay hita ao amin'ny Bokin'ny Lioka. Fantatrareo fony Izy mbola zazalahy iray fotsiny teo amin'ny roa ambin'ny folo taona teo, nitondra Azy ny Fianakaviany, araka ny fanao isan-taona, tany amin'ny fetin'ny Pentekosta. Ary raha mbola tao an-tanànan'i Jerosalema tao amin'ilay fety izy ireo ka nanana fotoana tsara iray, dia hitantsika ao amin'ny Baiboly, fa nandeha telo andro tsy nisy Azy izy ireo. Ary dia nieritreritra angamba izy ireo, mihevitra an'ilay izy ho marina, hoe tsy maintsy ho teo anivon'ny sasany tamin'ireo havany Jesosy. Ankehitriny, tsy afaka manao an'izany isika. Rehefa nandeha izy ireo nanamarina teo amin'ireo havany mba hahita, dia tsy tany Izy.

<sup>68</sup> Ary tsy afaka mihevitra an'izany ho marina isika, satria hoe Metodista isika, Batista, Presbyterana, Pentekosta, ary ny fihaviansika sy ireo razambentsika dia mpino malaza, dia mihevitra an'izany fotsiny isika, eny, ho marina, hoe miaraka amintsika Jesosy. Tsy afaka manao an'izany isika. Tsy maintsy mifandray Aminy isika isan'andro sy isa-minitra. Oh, tiako izany.

<sup>69</sup> Izay maha-izy an'Andriamanitra ankehitriny no ilaiko. Izay nananan'ireo raiamandreniko, izay nananan'ireo razambeko, dia mahafinaritra, fa (Tsara izay nananan'izy ireo.) heveriko fa lavitra kokoa isika eo amin'ilay lalana.

<sup>70</sup> Ndao isika hijery hoe inona Izy androany. Tsy te-hijery any aoriana aho ka hahita an'izay nataon'Atoa. Moody, satria lavitra kokoa noho Atoa. Moody isika eo amin'ilay lalana. Ny olana amin'ireo fiangonantsika dia isika mijery any aoriana ka manao hoe, “Eny, ndao isika hijery an'izay nolazain'i Atoa. John Wesley, izay nolazain'ireo hafa sasany.” Izany no antony mahatonga

ny siansa ho tena lavitra kokoa ao amin'ny sahan'ny, nohon'ny fivavahana ao amin'ny azy.

<sup>71</sup> Telonjato taona lasa izay teto, dia nanaporofa ny siantifika Frantsay iray fa raha handeha amin'ny hafainganam-pandeha mampatahotra iray amin'ny dimy amby telopolo maily isan'ora ianareo, dia hanainga anareo hiala amin'ny tany ny hery misintona. Mihevitra ve ianareo fa hiverina hitodika amin'izany ny siansa androany? Handeha sivinjato sy arivo maily isan'ora izy ireo ary mbola hanohy foana. Mandroso hatrany mankany aloha izy ireo, mijery mankany aloha. Saingy isika dia te-hijery any aoriana sy habita an'izay nolazain'i Moody; nolazain'i Sankey; nolazain'i Finney; Knox, Calvin; ny sasany amin'ireo. Nety tsara izay nolazain'izy ireo. Ho an'ny taonan'izy ireo izany, fa isika dia manohy.

<sup>72</sup> Ny raibeko nitondra saretin'omby iray. Izaho mamily Ford V8 iray. Ny zanakolahy hanidina amin'ny fiaramanidina haingam-pandeha iray. Izany hoe, mandroso isika. Izany no tokony haha-izy ny fivavahana. Antomotra ny fihavian'ny Tompo. Tokony handroso amin'ireo heriny ny fiangonana. Afaka mihanika tena lavitra fotsiny ny siansa nefa avy eo dia tsy maintsy hihintsana, fa manana harena tsy mbola voapaika isika, izay tsy mbola nokasihana mihitsy, an'ny hery, tsy voafetra, an'Andriamanitra, izay tokony hivoarantsika. Miaina iray tapitrisa maily ambanin'ny tombontsoantsika isika izao hariva izao, an'ireo tombontsoa tokony hifalian'ny Kristiana. Mahatsapa ho menatra ny tenako aho rehefa mijery eto ka mahita an'ireo toeram-pitsaboana, sy ny aretina, ary ireo olana izay miseho mihitsy ankehitriny. Tokony handeha eny andalambe ny fiangonantsika, hanasitrana ny marary, hanangana ny maty, handroaka devoly, hanao famantarana sy fahagagana, hanao an'izao tontolo izao manontolo hahafantatra fa velona Jesosy Kristy. Izany no ilaintsika ho vita.

<sup>73</sup> Nahoana, hoy ianareo hoe, “Atoa. Moody dia tsy mihitsy. . .” Tsy velona amin'ity andro ity Atoa. Moody. Marina izany. Isika no velona amin'ny fihavian'ny Tompo. Ary isika dia nihevitra an'ilay izy ho marina fotsiny fa hoe niaraka tamin'ireo havantsika Izy. Saingy indray andro rehefa nahaika an'Atoa. Graham ny mpihaika iray, dia hitantsika fa tsy teo anivon'ireo havantsika Izy.

<sup>74</sup> Taiza no nahitan'izy ireo Azy? Taiza no—taiza no nahitan'izy ireo an'i Jesosy? Teo amin'izay nandaozan'izy ireo Azy mihitsy. Taiza no nandaozan'izy ireo Azy? Tao amin'ny fetin'ny Pentekosta. Aiza no andaozantsika an'i Jesosy, taiza no nandaozan'ny fiangonana? Tao amin'ny fetin'ny Pentekosta. Rehefa manalavitra an'io hery Pentekotistan'ny andro fahiny io isika sy ny fetin'ny Pentekosta, dia manalavitra an'i Jesosy. Marina tokoa izany, ry sakaiza. Miaina eo ambanin'ireo tombontsoantsika isika. Eny, tompoko.

<sup>75</sup> Nandao Azy tao amin'ny fetin'ny Pentekosta izy ireo, ary eo ihany no toerana tokana izay hany hahitan'ny Metodista, Batista, Presbyterana, ary Pentekotista Azy, dia ny miverina eo amin'izay nandaozanareo Azy. Aiza ilay fifalian'ny Tompo? Aiza ilay herin'ny Tompo? Manontany ny fiangonana amin'izao andro izao hoe, “Inona—inona no nitranga tamin'ilay Andriamanitry ny tantara?” Miandry ny Olony hiantso Azy eo amin'ny sehatra Izy. Saingy ilay . . .

<sup>76</sup> Tsy afaka manao an'izany amin'ny alàlan'ireo anaram-piangonana isika. Tsy afaka manao an'izany eo ambanin'ny fandinihana momba ny saina isika. Tsy afaka manao an'izany eo ambanin'ny aritmetika isika, na tsy afaka manao an'izany miaraka amin'ny fianarana. Manasaraka ny tenantsika isika, mizarazara ny tenantsika. Tsy mizarazara isika. Olona iray tokoa isika ao amin'i Kristy Jesosy. Iray isika rehetra ao amin'i Kristy, fa tsy hanao an'izany mihitsy ireo anaram-piangonantsika. Na dia tsara aza izy ireo, dia tsy hanao an'izany. Ny fianarantsika no sakana lehibe indrindra izay hany nananan'ny Filazantsara, dia ny fianarana.

<sup>77</sup> Tsy ny fianarana no ilaintsika. Mila ny hery sy ny fanehoan'ny Fanahy Masina miverina ao amin'ny fiangonana isika mba haneho an'ilay hery. Tsy nilaza mihitsy Jesosy hoe, “Mandehana mankany amin'izao tontolo rehetra izao ka—ka mampianara.” Tsy nilaza mihitsy Izy hoe, “Mandehana mankany amin'izao tontolo rehetra izao ka manaova . . .” Hoy Izy hoe, “Mandehana mankany amin'izao tontolo rehetra izao ka mitoria ny Filazantsara.” Ary ny Filazantsara dia mba hanehoana ny herin'ny Fanahy Masina, ny fitsanganana. Mbola ambanin'ny iray tapitrisa maily noho izay tokony haha-izy antsika isika. Ndao isika handroso mankany aloha. Ndao isika handeha hiverina any amin'izay nandaozantsika Azy tao amin'ny fetin'ny Pentekosta.

<sup>78</sup> Jesosy no nilaza, ao amin'i Jaona, mino aho, ny toko faha-15, hoy Izy hoe, “Izaho no Voaloboka; ianareo no sampana.” Eny ankehitriny, raha namoaka an'ilay sampana voalohany io Voaloboka io, ka avy amin'io sampana io no nanoratana Bokin'ny Asa iray, dia hanao Bokin'ny Asa hafa iray ilay sampana faharoa. Hanao Bokin'ny Asa hafa iray ilay sampana fahatelo. Ary ny sampana rehetra izay mivoaka avy amin'io Voaloboka io dia hitovy amin'ilay sampana voalohany.

<sup>79</sup> Ankehitriny, afaka manao grefy ianareo, fantatsika izany. Efa nahita hazo voasary iray niaraka tamin'ny karazana voankazo samihafa teo amin'ny valo teo aho teo aminy. Efa nahita hazom-boasary iray nitondra pamplemosy aho, sy voasary makirana, ary zavatra hafa teo aminy, saingy natsofoka izy ireo.

<sup>80</sup> Izany ilay olana amin'izao andro izao. Isika dia nanatsofoka an'ireo hevitsika, nanatsofoka an'ireo anaram-piangonantsika, saingy raha mba hamoaka voankazom-boaloboka hafa iray io hazo io, ny an'ny tenany, dia hitovy amin'ireo tany am-boalohany izay niditra tao aminy izany. Haleloia! Oh, hifangaro miaraka ny fiangonana, saingy mila an'ilay herin'ny tany am-boalohany isika. Mila ny Fanahy Masina isika, ny herin'ny fitsanganan'i Jesosy Kristy. Izany no Noteneniny tamintsika mba hatao.

<sup>81</sup> “Izaho no Voaloboka, ianareo no sampana.” Raha mamoka solofo iray ny hazom-boaloboka anankiray, ka mivoaka miaraka amin'ny voam-boaloboka manga tsara tarehy izy, ilay voaloboka manaraka izay havoakany dia hanana voam-boaloboka manga tsara tarehy eo aminy. Raha nivoaka ilay Voaloboka voalohany, ka mianjera eo ambanin'ny fiantraikan'ny Fanahy Masina izy ireo, ary manao fahagagana lehibe, sy famantarana, ka manisy tombokase ny fanambarany eo amin'ny tontolo iray. . . Maro tamin'izy ireo mihitsy aza niaraka tamin'ny fanambarany manokana, izy ireo, niaraka tamin'ny ràny, no nanisy tombokase ny fanambarany. Nandalo an'ireo karazana loza rehetra sy ny sisa izy ireo mba hitondra ny Filazantsara. Nijaly izy ireo; nokapohina izy ireo; nosaziana izy ireo. “Tsy maintsy ho entina mody any An-danitra eo ambonin'ny fandriam-piadanana iray misy voninkazo ve isika, nefa ireo hafa dia niady mba hahazo an'ilay loka, ka nisosa nandalo teo amin'ireo ranomasin-drà?” Inona no antenaintsika hatao? “Tsy maintsy miady aho raha tsy maintsy hanjaka. Ampitomboy ny herim-poko, Tompo.” Izany tokoa. Isika dia mila ny . . .

<sup>82</sup> Tsy mila anaram-piangonana vaovao iray isika. Tsy mila fanorenana fiangonana vaovao iray isika. Ny ilaintsika amin'izao andro izao dia fanao fahiny mahery vaika iray, lanitra manga, fifohazana Pentekotista mamono fahotana, izay teraka tamin'ny Pentekosta ka miverina ao amin'ny fiangonana indray, ny herin'ny Fanahy Masina indray, mba hitondra an'i Jesosy eo amin'ny sehatra.

<sup>83</sup> Ilay Andriamanitry ny tantara dia miakatra eo amin'ny sehatra foana ao amin'ny fotoana sarotra iray. Mila an'izany isika. Izany ilay olana amin'ny fiangonantsika amin'izao andro izao. Miverina any aoriana lavitra be isika. Lavo ao anatin'ireo lamaodin'izao tontolo izao isika. Ary tsikelikely, isan-taona, dia manomboka maty kely ilay izy ary miha-maina.

<sup>84</sup> Fotoan'ny fandrantsanana tsy ho ela mihitsy izao. Handrantsana azy indray Andriamanitra azo antoka tahaka ahy mitsangana eto amin'ity polipitra ity. Handrantsana azy indray Andriamanitra mba hanao azy hitondra voankazo. Handrantsana an'ireo asan'izao tontolo izao hiala aminy Izy indray andro any. Tena fahafaham-baraka iray, ny fomba nanohizan'ny fiangonana teo ambanin'ny anaran'ny fivavahana.



<sup>85</sup> Ary hitantsika, rehefa niala Jesosy, dia niditra ny fahafatesana. Rehefa miala ao amin'ny fiangonantsika Jesosy, miala ao amin'ny fiangonantsika ny herin'ny Fanahy Masina, dia manomboka mihena izany ary—ary maty. Ary afaka kelikely dia tsy misy na inona na inona intsony ny aminy. Ankehitriny, rehefa niala Jesosy, dia niditra ny fahafatesana. Oh, fotoana iray mampalahelo toy ny inona izany.

<sup>86</sup> Ary mariho, nanontany izy ireo teo, ka naniraka nankany amin'i Jesosy, saingy tsy tonga Izy. Naniraka nankany Aminy indray izy ireo, fa tsy tonga Izy, saingy Fantany izay Hataony. Fantany izao hariva izao, izay Hataony. Tsy very ny miaraka Aminy: Fantany marina tokoa izay Homaniny hatao. Hanangana vahoaka iray Izy, azo antoka mihitsy tahaka ahy mitsangana eto amin'ity polipitra ity. Hanangana vahoaka iray nohon'Ny Anarany Izy avy amin'ny taranaka Jentilisa. Hataony izany.

<sup>87</sup> Antomotra mihitsy ny andron'ireo Jiosy ankehitriny, ary eo am-pifaranana ny an'ireo Jentilisa, satria nivoaka fotsiny izy ireo. Mandà an'i Kristy izy ireo; mandà ny famantarany izy ireo; mandà ny zavatra rehetra izay nantsoina hoe avy amin'Andriamanitra izy ireo, ary manisy marika an'izany ho karazana fifandraisana ara-tsaina iray na herin-devoly ka manao...Miteny ratsy ny Fanahy Masina izy ireo ary manisy tombokase ny tenany manalavitra an'Andriamanitra. Fa haka an'io vitsy an'isa io Andriamanitra, afaka kelikely, ka hanangana azy ho Fiangonana matanjaka iray, ary avy eo dia hamerina an'ilay Fanahy any amin'ireo Jiosy, ka hitondra an'ilay Fiangonana Jentilisa hody. Marina tokoa. Izy dia ao amin'ilay fanamboarana ankehitriny. Oh, ahoana, eo amin'ny andro farany isika izao, saiky.

<sup>88</sup> Jesosy, nahafantatra Izy. Ary afaka kelikely dia hoy Izy hoe, “Ny sakaizantsika, Lazarosy, dia matory.”

<sup>89</sup> Nahoana, nihevitra ireo mpianatra fa niala sasatra kely izy. Hoy izy hoe, “Eny, raha matory izy, dia tena tsara izy.”

<sup>90</sup> Eny, nilaza Izy tamin'Ny...fitenin'izy ireo, mba hahazoan'izy ireo, nanao hoe, “Maty izy, nohon'ny aminareo dia faly Aho fa tsy tany Aho.” Hitanareo? “Nohon'ny aminareo, dia faly Aho fa tsy tany Aho.” Satria izy ireo dia ho nangataka Taminy mba—mba hanasitrana—mba hanasitrana azy, saingy Fantany fa tsy afaka nanao an'izany Izy, satria ilay fahitana dia mbola...aorian'ireo efatra andro ireo no Fantany fa fotoana notenenin'ny Ray Taminy. Tsara tarehy toy ny ahoana; hoy Izy teo amin'ny fasana hoe, “Ray, misaotra Anao Aho, efa nihaino Ianao, saingy milaza an'izany fotsiny Aho ho an'ireto mitsangana ireto.” Hitanareo? Efa Fantany izay Hataony. Hoy Izy hoe, “Handeha hamoha azy Aho.”

<sup>91</sup> Ankehitriny, azoko eritreretina fa torotoro tanteraka io ankohonana kely io. Lasa ilay mpanohana, alahelo. Oh,

mahafinaritra rehefa manana ankohonana iray malahelo ianareo na fo iray malahelo, ka avy eo dia miseho tampoka Jesosy, sa tsy izany? Azoko eritreretina ny mahita an'i Marta, vehivavy kely tsara tarehy iray miaraka amin'ny voaly mainty manarona ny tavany, sy i Maria kely, ka mifampihazona izy ireo, manao hoe, "Inona no hataontsika? Lasa i Papa sy Mama, ary ny anadahintsika sarobidy. . . Ankehitriny, efa niala tamin'ny fiangonana isika, ary voaroaka niala tamin'izy ireo, ka nivoaka mba hanaraka an'i Jesosy avy any Nazareta. Ary niala lavitra Izy ka nandao antsika, any ho any."

<sup>92</sup> Toa reko ny mpitsikera iray nandalo ka nanao hoe, "Hey, aiza ilay Mpanasitrana avy amin'Andriamanitra, ilay Mpaminany avy any Galilia? Aiza no misy Azy ankehitriny? Hitanareo, rehefa tena tonga eo amin'ny fotoana Hanaovany zavatra, dia lasa Izy." Eo ilay izy. Hitanareo, tian'Andriamanitra fotsiny ny manao an'izany, mamela ny olona fotsiny, fotsiny, mamela ny olona haneho ny maha-izy azy, hia, mizaha toetra azy ireo fotsiny mba hahitana hoe inona marina izy ireo. Manome azy ireo fitahiana iray Izy. Miseho Izy, maneho ny Tenany, mampahafantatra ny Tenany amin'ny olona, mba hahitana fotsiny hoe karazana fihetsika inona no hasetrin'izy ireo, mba hahitana fotsiny hoe inona no hataon'izy ireo mikasika an'ilay izy.

<sup>93</sup> Ankehitriny, hitantsika avy eo, afaka a—andro vitsy, efatra andro, dia maty Lazarosy mampalahelo. Nalevin'izy ireo izy. Andro faharoa, andro fahatelo, andro fahefatra. . . Ankehitriny, mahafantatra ny rehetra fa ny fahalòvana dia miditra afaka telo andro: ny orona no mihintsana eo amin'ny tava, aloha. Ary avy eo dia miditra ny fahalòvana; manomboka mihinana ny vatana ireo kankan'ny hoditra. Napetrak'izy ireo tao anatin'ny tany izy, nasiany vato goavana iray teo amin'ny tampon'ilay zohy izay nametrahan'izy ireo azy. Ary matetitetika, dia nandeha ireo zazavavy ka nandohalika teo amin'ilay fasana ary nitomany.

<sup>94</sup> Ary afaka kelikely, dia niely ireo vaovao hoe, "Tonga Jesosy. Hitanay niditra ny tanàna Izy." Oh, ilay Marta kely, izay efa tena, somary, tena votsa loatra mikasika an'izany, noporofoiny tamin'izany fotoana izany hoe toy ny ahoana izy. Indro tonga izy. Mandeha eo amin'ny làlany izy amin'io fotoana io, mihazakazaka mizaha. Toa reko ny sasany tamin'ireo teny an-dàlana nanao hoe, "Eny, ataoko fa afa-po ianao ankehitriny, hoe sandoka ny fivavahanao." Tsy niraharaha azy ireo mihitsy izy ary nanohy, nandalo avy hatrany teo amin'ireo mpitsikera rehetra. Nandeha izy mandra-pahitany Azy, nipetraka teo amin'ny zoron-dàlana angamba.

<sup>95</sup> Ankehitriny, ilay izy dia somary, izy dia tsy maintsy. . . mety nanana zò hanome tsiny Azy izy ka—ka niteny ratsy Taminy. Nahoana, tsy nihazakazaka izy ka nanao hoe, "Jereo eto, jereo eto, Ianao. Ianao dia natao ho Mpaminany iray, Lehilahin'Andriamanitra iray. Nahoana Ianao no tsy

tonga rehefa niantso Anao izahay? Nahoana, fianakaviana ihomehezana amin'ny tanàna izahay ankehitriny. Nivoaka tamin'ny fiangonanay izahay mba hanaraka Anao.” Toy ny hoe nanana zò iray izy. Saingy fantatrareo, tahaka ny nitoriako fotsiny teo amin'ny hoe, *Ny Zanak'ondry Sy Voromailala*, raha zanak'ondry iray isika, ny zanak'ondry iray dia mahafofy ny zò rehetra ananany. Marina tokoa izany. Tsy manana afa-tsy volon'ondry izy, noho izany dia tsy maintsy hafoiny izany. Ary mahafofy ny zò rehetra ianareo ka tsy maintsy manompo an'Andriamanitra. Marina tokoa izany.

<sup>96</sup> Namely an'ireo vehivavy aho mikasika ny fomba anaovan'izy ireo an'ireny akanjo kely ratsy ireny, fantatrareo, dia hoy izy ireo hoe, “Eny, izahay dia—Amerikana izahay. Afaka manao izay tianay hatao izahay.”

<sup>97</sup> Hoy aho hoe, “Marina tokoa izany, saingy raha zanak'ondry iray ianareo, dia hahafofy ny zònareo.” Mifoka sigara sy manao hadalana tahaka an'izany, izany no zavatra ratsy indrindra izay hany ataon'ny vehivavy iray. Marina tokoa izany.

<sup>98</sup> Nilaza tamiko ny ramatoa iray, vao tsy ela akory izay, niresaka tamiko, nanao hoe, “Saingy, Ranadahy Branham, tsy manamboatra karazana fitafiana hafa intsony izy ireo.”

<sup>99</sup> Hoy aho hoe, “Saingy mbola manamboatra milina fanjairana foana izy ireo ary mivarotra lamba. Tsy misy fialan-tsiny mihitsy ny amin'izany.” Marina tokoa izany.

<sup>100</sup> Tsarovy, indray andro any, dia mety ho madio amin'ny vadinareo ianareo eto, saingy hamaly nohon'ny fijangajangana ianareo amin'izany, marina tokoa araka ny hoe: “Na iza na iza mijery vehivavy mba hitsiriritra azy, dia efa nijangajanga taminy tao am-pony.”

<sup>101</sup> Ny olana amin'ireo vehivavy Pentekotista amin'izao andro izao, izany no anontaniako. Ahoana fa niala lavitra an'ilay làla-masaka tranainy ianareo. Toy ny ahoana no nitondran'ny reninareo volo lava, nefa amin'izao andro izao ireo vehivavy Pentekosta dia miloko tahaka ny andiana Andron'ny Lavenona iray, sy manapaka ny volony, ary manao akanjo fohy ratsy kely tahaka an'izany, tahaka ny sisa amin'ny fomba . . . mivoaka ary mijinja ny tokontany amin'ny tolakandro, rehefa mandalo ireo lehilahy, fantatrareo ve, ry vehivavy, fa hamaly nohon'ny fijangajangana tamin'ireny lehilahy ireny ianareo? Mampiseho ny tenanareo amin'izy ireny ianareo ho an'izany tanjona izany. Izany dia fanahy ratsy iray eo amin'ny fiangonana sy ny olona, nefa tsy fantatr'izy ireo izany. Jamba nefa tsy fantany izany. Izany no fahamarinana.

<sup>102</sup> Mety hilaza angamba ianareo fa tsy manana zò hilaza an'izany aho amin'ny maha-evanjelista. Eny, izaho—tsy maintsy manaraka ny fitarihan'ny Fanahy Masina aho; izay ihany no azoko lazaina. Ianareo . . . Raha mihaona aminareo aho ao

amin'ny fitsarana, amin'izay fotoana izay dia tsy mila hanana ny rànareo eo an-tànako aho. Mialà lavitra amin'ny tany kely indrindra izay mitovy amin'i Satana. Mijanòna lavitra an'izany. Mialà amin'izany. Tsy ahoako na firy ireo olo-malazan'ny televiziona. . . Tsy eto ianareo, ho olo-malazan'ny televiziona; zanakavavin'Andriamanitra ianareo.

<sup>103</sup> Nitory tao amin'ny fiangonan'ny pasitera iray aho indray maraina, mikasika andevo antitra iray, tamin'ny fotoana nivarotan'izy ireo andevo taloha ela be. Fa nandalo izy ireo fahiny ka nividy azy ireny tamin'ny lavanty. Ary ireo olona dia, nitomany izy ireo, nitaraina, nohon'ny tanindrazany; tsy hiverina intsony izy ireo. Dia tsy maintsy nikaravasy azy ireo izy ireo. Fa nividy azy ireny tahaka ny hividiananareo fiara iray fotsiny izy ireo, amin'ny zavatra rehetra fotsiny, ireo vidiny, ka mivarotra an'ireo olombelona ireo.

<sup>104</sup> Ary indray andro, dia nandalo ny mpividy iray, mpamarotra iray, tao amin'ny fanore- . . . toeram-pambolena goavana anankiray, raha ny marina. Dia hoy izy hoe, “Andevo firy no hamidinao?”

<sup>105</sup> Hoy izy, “Eny, manana vitsivitsy hatakalo aho.” Niezaka ny hahazo an'ireo goavana izy ireo. Nalaina ireo reny, ray. . . Raha vehivavy osaosa kely ilay vehivavy izay novadiany, dia alainy ireo lehilahy goavana salama tsara ka ampanarahiny amin'ny. . . tahaka an'ireo soavaly sy ireo biby. Tsy tsara mihitsy izany. Andriamanitra nanao ny olona. Ny olona nanao andevo. Tsy marina ilay izy eo am-piandohana, tsy mihitsy. Tsy mikendry olona ho lasa andevo iray Andriamanitra. Tsia, tompoko. Ary tsy. . . Diniho izay niseho.

<sup>106</sup> Koa teo afovoan'io rehetra io, dia hoy ity lehilahy ity hoe, “Eny, izaho dia te-hividy ny sasany amin'ireo. . .” Nahamarika lehilahy tanora anankiray izy teo. Tsy nila nikaravasy azy izy ireo. Niakatra ny saokany, niakatra ny lohany, tahaka ny tena lehilahy manan-kaja iray fotsiny, nandeha teo. Dia hoy ity mpamarotra iray ity hoe, “Te-hividy azy aho.”

<sup>107</sup> Hoy izy hoe, “Saingy tsy hamidy izy.”

<sup>108</sup> Hoy izy hoe, “Eny, nahoana?” Hoy izy, “Izy ve no lehibe?”

<sup>109</sup> Hoy izy hoe, “Tsia, andevo iray izy.”

<sup>110</sup> “Eny,” hoy izy, “nahoana? Fahananareo tsaratsara kokoa nohon'ny sisa amin'izy ireo ve izy?”

<sup>111</sup> Hoy izy hoe, “Tsia. Mihinana etsy amin'ny vy fisaka miaraka amin'ny sisa amin'izy ireo izy. Andevo iray izy.”

<sup>112</sup> Hoy izy, “Inona no manao azy ho tena samihafa nohon'ny sisa amin'izy ireo?”

<sup>113</sup> Dia hoy ilay lehibe hoe, “Nanontany an'izany tamin'ny tenako nandritry ny fotoana ela aho, saingy indray andro dia hitako. Any an-tanindrazana any, dia ny rainy no

mpanjakan'ilay foko. Ary na dia vahiny iray lavitry ny trano aza izy, dia mbola fantany foana fa zanakalahin'ny mpanjaka izy ary mitondra ny tenany tahaka ny anankiray.” Raha io . . . Raha teratany Afrikana iray aza no afaka mahalala fa mpanjaka iray ny rainy, ary indro eto ny vahiny anankiray ao amin'ny firenen-kafa iray dia mbola mahafantatra foana fa any am-pitan'ny ranomasina dia zanakalahin'ny mpanjaka iray izy, dia ahoana no tokony hitondran'ny vehivavy sy lehilahy tena rehefa zanakalahy sy zanakavavin'Andriamanitra ianareo? Mihetseha tahaka an'izany. Izany tokoa. Mitondrà tena; midiova ary mihetseha tahaka ny zanakalahy sy zanakavavin'Andriamanitra. Tsy mahagaga, toerana iray toy ny inona.

114 Eto isika izao. Oh, Marta kely, nivoaka nihazakazaka. Izy dia toy ny hoe nanana ny—ny fomba iray nilazana zavatra nanohitra Azy. “Nahoana Ianao no tsy tonga ho an'ny anadahiko? Jereo izay nataonay ho Anao, nefa Nilaozanao izahay.” Eny, raha nilaza an'izany izy, dia tsy ho nifarana tahaka ny nifaranany mihitsy ilay tantara. Tsia, tompoko. Izany no fomba hanatonanareo ny fanomezam-pahasoavana Masina iray avy amin'Andriamanitra. Raha mandefa fanomezam-pahasoavana iray Andriamanitra, dia tsy maintsy manatona an'izany marina ianareo. Raha mba manantena ny hahazo zavatra avy amin'izany ianareo, dia tsy maintsy manatona an'izany marina. Ary fantatr'i Marta izany. Mety namaky mikasika an'ilay vehivavy Sonemita sy ny zazakeliny angamba izy. Ary izy . . . Raha io vehivavy Sonemita io aza no nahafantatra fa tao amin'i Elia Andriamanitra, dia tsy mihoatra noho izany ve ny naha-tao amin'i Jesosy Azy? Azo antoka.

115 Noho izany, dia nandeha niaraka tamin'ilay fanatonana marina izy. Nihazakazaka izy ary nandohalika teo an-Tongony. Tiako izany! Nandohalika teo an-Tongony ka nanao hoe, “Tampo . . .” Izany ilay Titran'ny marina. Izany no naha-izy Azy. Izy no Tompony. “Tampo, raha teto Ianao, dia tsy ho maty ny anadahiko.”

116 Oh, oadray! Oh, azoko eritreretina fotsiny ny mahita ny Fony lehibe raha nijery an'ity vehivavy tsara tarehy ity Izy, ireo ranomaso nikoriana nidina teo amin'ny takolany. Hoy izy, “Tampo, raha teto Ianao, dia tsy ho maty ny anadahiko.” Diniho izay nolazainy. “Fa na dia izao ankehitriny izao aza, Tompo, na dia maty aza izy, na dia mandadilady manerana ny vatany aza ireo kankan'ny hoditra, na dia izao ankehitriny izao aza, Tompo, na inona na inona Angatahin'ao amin'Andriamanitra, dia homen'Andriamanitra Anao izany.”

117 Oh, izany ilay tsiambaratelo. Mety milaza ianareo hoe, “Efa nitety nanerana ny hopitaly rehetra aho. Milaza ilay dokotera fa ho faty aho, saingy na dia izao ankehitriny izao aza, Tompo . . . Malemy tanteraka amin'ny aretin-kozatra aho;

tsy afaka mihetsika aho, saingy na dia izao ankehitriny izao aza, Tompo. . .”

118 Io zaza kely io dia nanana loha ngeza be tahaka an'izao ny halehibeny manodidina omaly hariva. Tsy misy na inona na inona azonareo hatao. Ho nihitatra izany ary nanapoaka ny lohakeliny ka maty, “Saingy na dia izao ankehitriny izao aza, Tompo. . .” Mbola ilay Andriamanitra tsy miova foana Izy. Mbola ilay Tompo tsy miova foana Izy. “Na dia izao ankehitriny izao aza, Tompo. . .” Ary mipetraka eo an-tànana ankavanan'Andriamanitra Tsitoha Izy, manao fanelanelanana eo amin'ireo zavatra izay takiansika ka Nataony ho antsika.

119 Ankehitriny, tena mahatsapa ho mpivavaka aho. Azo antoka fa mahatsapa. Hiantso ahy ho holy roller iray ianareo na ahoana na ahoana, noho izany dia mety afaka manomboka tsara mihitsy ianareo, ary mamarana amin'izany.

120 Noho izany, eny, tompoko, “Na dia izao ankehitriny izao aza, Tompo, na inona na inona Angatahinao amin'Andriamanitra, dia hataon'Andriamanitra izany.”

121 “Angataho amin'ny Ray amin'Ny Anarako ny zavatra rehetra, fa Hataoko izany,” hoy Jesosy.

122 “Na dia izao ankehitriny izao aza, Tompo, na inona na inona Angatahinao, dia homen'Andriamanitra Anao izany.” Oh, tsy maintsy ho nivadibadika tao amin'ny Fony lehibe izany.

123 Hoy Izy hoe, “Ho velona indray ny anadahinao.”

124 Hoy izy hoe, “Hia, Tompo. Ho velona izy. Zazalahy tsara iray izy. Hiseho izy amin'ny fitsanganana faobe amin'ny andro farany.” Nino ny fitsanganana faobe ireo Jiosy. “Hiseho izy amin'ny fitsanganana amin'ny andro farany.”

125 Jereo Izy. Nanarina ny Tenany kely manontolo Izy. Hoy Izy hoe, “Izaho no Fananganana sy Fiainana.” Oh, oadray. Tsy nisy olona afaka nilaza an'izany mihitsy tany aloha. Tsy hisy anankiray mihitsy aorian'izany, afaka hilaza an'izany. Izy no Anankiray tokana izay afaka milaza an'izany. “Izaho no Fananganana sy Fiainana,” hoy ny Tompo. “Izay mino Ahy, na dia maty aza izy, dia ho velona. Ary na iza na iza velona ka mino Ahy dia tsy ho faty mandrakizay. Mino an'izany ve ianao?”

126 Hoy izy hoe, “Hia, Tompo.” Oh, fantany fa nisy zavatra natao hitranga. Tsy maintsy.

127 Rehefa mihaona amin'Andriamanitra ny finoana avy amin'ny fo mahitsy iray, dia tonga miaraka tahaka an'izao fotsiny ireo kodia misy nifinifiny. Misy zavatra iray tsy maintsy miseho. Mihaika an'ity mpanatrika ity aho izao hariva izao, amin'ny Anaran'i Jesosy Kristy, aoka hifandray amin'Andriamanitra tahaka an'izany ny finoanareo, afaka minitra vitsy dia hanana Pentekosta hafa iray isika. Hisy tena fifohazana iray hipoaka amin'ity tanàna ity, tsy hisy polisy

ampy ao amin'ny firenena hahatazona azy ireo. Marina izany. Hisy tena fifohazana iray. “Na dia izao ankehitriny izao aza, Tompo . . .”

128 “Eny, Tompo, efa nentina niala lavitra an'ity izahay; efa nanao an'ity sy nanao an'itsy izahay.” Tsy ahoako izay nataonareo, “Na dia izao ankehitriny izao aza, Tompo . . .” Miandry anareo hiantso Azy Izy. Izy . . . “Mino an'izany ve ianao?” Azo antoka. Eny, tompoko. “Na dia izao ankehitriny izao aza, na inona na inona Angatahinao Aminy . . .”

129 “Aiza no nametrahanareo Azy?” Ankehitriny, mandeha eo amin'ilay fasana Izy. Tena olona feno Izy mba hitomany; Andriamanitra feno Izy mba hanangana ny maty.

130 Teto vao tsy ela akory izay, vehivavy iray izay mikambana amin'ny vondron'olona iray . . . Tsy nataoko ho fahazarana iray mihitsy ny manao an'ilay izy mikasika an'ireo anaram-piangonana. Fa ity vehivavy ity . . . Tsy mino mihitsy izy ireo fa Andriamanitra Jesosy. Nilaza izy ireo fa mpaminany iray fotsiny Izy. Ankehitriny, Izy dia . . . Raha mpaminany iray fotsiny Izy, dia ao amin'ny fahotana isika rehetra. Na Izy Andriamanitra, tsy misy ankoatran'ny Andriamanitra, na ilay mpamitaka goavana indrindra izay hany nananan'izao tontolo izao. Marina izany. Mihoatra nohon'ny olona iray Izy. Hoy izy hoe, “Tsy Andriamanitra Izy.”

131 Misy tena betsaka an'izany ao anatin'ity filazantsara aratsosialy ity amin'izao andro izao; miezaka manao an'i Jesosy Kristy ho mpaminany iray. Nahoana, Izy no Andriamanitr'ireo mpaminany. Azo antoka fa izany Izy.

132 Hoy izy hoe, “Ho porofoiko aminao amin'ny alàlan'ny Baibolinao izany hoe, ‘Izy dia olona iray fotsiny.’”

133 Hoy aho hoe, “Ataovy izany.”

134 Dia hoy izy hoe, “Rehefa mandeha teo amin'ny fasan'i Lazarosy Izy, dia hoy ny Baiboly hoe, ‘Nitomany Izy.’ Tsy maintsy ho mety maty Izy raha tsy izany dia tsy ho afaka nitomany Izy.”

135 Hoy aho hoe, “Ramatoa, izany ve no Soratrao?” Tsy minia ny ho mpanevateva aho eto hilaza an'izao, saingy ho teneniko aminareo izay noteneniko taminy.

136 Hoy izy hoe, “Izany ilay izy.”

137 Hoy aho hoe, “Izany filazana izany dia maivana nohon'ny ron-kena vita tamin'ny aloky ny akohovavy iray izay matin'ny hanoanana.” Hoy aho hoe, “Eny, ianao—tsy manana zavatra anankiray hiankinana ianao.”

138 Hoy izy hoe, “Nahoana, nitomany Izy. Izany no naneho fa mety maty Izy.”

139 Hoy aho hoe, “Sady mety maty Izy no tsy mety maty. Andriamanitra tao amin’ny nofo Izy.”

140 Hoy izy hoe, “Oh, fahadalana.”

141 Hoy aho hoe, “Nandeha teo amin’ny fasana Izy nitomany. Tena marina izany, saingy rehefa nanarina ny Tenany kely Izy. . .” Hoy ny Baiboly hoe, “Tsy misy betsaka ho jerena ny Aminy; tsy nisy hatsaran-tarehy haniriantika Azy.” Saingy rehefa nampiakatra an’ireo sorony kely Izy ka nanao hoe, “Ry Lazarosy, mivoaha,” dia lehilahy iray izay efa maty efaandro sy lò tao anatin’ny fasana, nivoaka izy. Mihoatra nohon’ny olona iray izany. Asehoy ahy ny olona izay afaka manao an’izany. Inona izany? Nahafantatra ny Tompony ny fahalòvana. Nahafantatra ny Mpamorona azy ny aina. Tsy maintsy nisy zavatra nitranga. Niteny Izy ka lehilahy iray izay maty ary tao anatin’ny fasana nandritry ny efaandro, no nitsangana indray, ary nitsangana tamin’ny tongony, ka velona. Haleloia! Izany no Andriamanitra tao amin’Ny Zanany. Eny, tompoko. Izany no Andriamanitra nampahafantatra ny Tenany tamin’ny Alàlany, ny Zanaka. Izany no Andriamanitra miteny, fa tsy olona iray.

142 Olona iray Izy rehefa nijery manodidina an’ily hazo Izy tamin’io andro io ho an’ny zavatra iray ho hanina. Olona iray izany. Fa rehefa nandray bisky dimy sy trondro roa Izy ka namahana dimy arivo, dia mihoatra nohon’ny olona iray izany. Izany no Andriamanitra namahana azy ireo tany. Mihoatra nohon’ny mpaminany iray Izy, mihoatra nohon’ny olona iray, Andriamanitra-Olona iray Izy. Azo antoka.

143 Nandry tany aorian’ily lakana kely Izy tamin’io alina io, ka nieronana ireo ranomasina ary niantambotsambotra tahaka ny bosoan-tavoahangy iray tao anatin’io ranomasina mahery io, rehefa nianiana ireo devolin-dranomasina iray alina fa handentika Azy tamin’io alina io. Olona iray Izy, vizaka sy reraka nohon’ny fivavahana ho an’ny marary, nandry tao aoriana tao; ka na dia ny rivotra aza dia tsy nanelingelina Azy. Olona iray Izy rehefa natory Izy, saingy rehefa nifoha Izy, nametraka ny Tongony teo ambonin’ny lohan’ily lakana, niandra, ka nanao hoe, “Mangina, mitsahara,” dia nankatò Azy ireo rivotra sy onja, mihoatra nohon’ny olona iray izany. Izany no Andriamanitra tao amin’ny olona, nampahafantatra ny Tenany. Marina izany.

144 Olona iray Izy teo amin’ny hazo fijaliana rehefa niantsoantso famindrampo Izy. Rehefa niantsoantso Izy ka nanao hoe, “Mangetaheta Aho,” olona iray izany. Rehefa maty Izy, dia olona iray Izy, saingy tamin’ny marain’ny Paska rehefa Notapahiny ireo tombokasen’ny fahafatesana, ny helo, ary ny fasana, ka nitsangana indray, dia mihoatra nohon’ny olona iray Izy: Izany no Andriamanitra tonga voaseho. Tsy mahagaga raha hoy ilay poety hoe:



Velona, nitia ahy Izy; maty, namonjy ahy Izy;  
 Nalevina, nitondra ny otako lavitra Izy;  
 Nitsangana, nanamarina ahy maimaimpoana  
 mandrakizay Izy:  
 Indray andro any dia ho avy Izy—Oh, andro be  
 voninahitra!

<sup>145</sup> Hoy Izy hoe, “Satria velona Aho, dia velona koa ianareo. Mino an'izany ve ianao?” Izy no tsy miova omaly, anio, ary mandrakizay. Mino an'izany ve ianao? Mino aho fa eto mihitsy ny Fanahy Masina ankehitriny. Mino an'izany ve ianao? Mino aho fa hameno antsika Ny Fanatrehan'ny Izy. Mino an'izany ve ianao? Mino aho fa te-handraraka Ny Fanatrehan'ny Fanahy Masina, hanasitrana ny marary rehetra, hanao ny olona rehetra izay tsy manana ny Fanahy Masina ho feno. Mino an'izany ve ianao? Mino amin'ny fonareo rehetra ve ianareo? Ndao isika hitsangana amin'ny tongontsika ka hanome Azy ny dera. Mino aho fa hilatsaka eo amintsika Izy izao ankehitriny izao.

<sup>146</sup> O Tompo Andriamanitra, Mpamorona ny lanitra sy ny tany, Mpanao ny Fiainana Mandrakizay, Mpanome ny fanomezam-pahasoavana tsara rehetra, izahay no “Mino an'izany ve ianao,” Tompo. Mino izahay fa eto amin'ny fivoriana Ianao. Mino izahay fa Ianao no mitahy ny fanahinay. Mino izahay fa Ianao no mandraraka Ny Fanahinao eo aminay. Mino izahay fa Ianao no tsy miova omaly, anio, ary mandrakizay. Mino izahay fa velona mandrakizay Ianao ka ny anaranay dia voasoratra ao amin'ny Bokin'ny Fiainan'ny Zanak'ondry. Ny lanitra sy ny tany rehetra dia ho levona, fa izahay ho velona mandrakizay, satria velona mandrakizay Ianao. Tompo, Ianao no nampanantena an'izany taminay. Mino an'izany amin'ny fonay rehetra izahay. Ny zavatra rehetra izay ao anatinay, dia mino an'izany izahay, Tompo. Tiako Izy, tiako Izy.

<sup>147</sup> Mino Azy ve ianareo? Mino aho fa izany no Fanahy Masina. Misy Zavatra milatsaka eo amintsika. Mino an'izany ve ianareo? Mino aho fa te-hanasitrana ny olona marary rehetra Izy izao ankehitriny izao. Mino an'izany ve ianareo? Atsangano Aminy ny tãnanareo. Mitsangàna amin'ny tongotrareo. Mino an'izany ve ianareo? Eto ny Fanahy Masina. Izao Izany! Hoy i Petera hoe, “Izao Izany.” Izao no Izy, ny Fanahy Masina.

<sup>148</sup> O Tompo, Mpamorona ny lanitra sy ny tany, iraho ny Herinao, sy ireo Fitahiana, ary ny Fahatsaranao ho eo amin'ity vahoaka ity, ka tahio ny fon'izy ireo, ary aoka izy ireo hahita fa velona mandrakizay ilay Zanak'olona. Ekeo izany, O Tompo. Manolotra azy ireo ho Anao izahay, amin'ny Anaran'i Jesosy Kristy, ilay Zanak'Andriamanitra.

<sup>149</sup> Ny olona rehetra izay tsy manana ny Fanahy Masina, atsangano ny tãnanareo ka derao Andriamanitra. Mino aho fa hilatsaka eo aminareo Izy. Aoka ny olona iray

hametraka ny t ananareo eo amin'izy ireo. Iza no ora. Nahoana isika no hiandry ela? Iza no fotoana. Iza no fotoana ho an'ny Pentekosta, iverenana amin'Andriamanitra. Mahitsia amin'Andriamanitra, Pentekosta! Aoka ny fonareo ho hetsehan'ny herin'Andriamanitra velona. Aoka hiditra ao anatinareo Ny Fanahiny, hameno ny fanahinareo. Eto Izy isan-kariva, eto mba hanasitrana ny marary, hanome fahitana ny jamba, amin'ny al alan'ny hery lehibe sy mahery izay Anaporofoiny ny Tenany ho ilay tsy miova mandrakizay. Haleloia!

<sup>150</sup> Derao Izy. Atsangano ny t ananareo. Adinoy izay misy anareo; fantaro fotsiny fa manodidina Azy ianareo, ka ny Fahatsarany, sy ny Voninahiny, sy ny Heriny, ary ny Famindrampony dia maharitra mandrakizay. Tsy miova mandrakizay Izy. Isaorana anie ny Anaran'ny Tompo. Haleloia! Oh, derao Ny Anarany Masina.

<sup>151</sup> Oh, mahafinaritra toy ny ahoana, mahery toy ny ahoana Izy. Firy no te-hanokana ny fiainanareo ho an'Andriamanitra izao ankehitriny izao, indray? Atsangano ny t ananareo. Firy no te-hanokana ny fiainanareo ho an'Andriamanitra? Izany ilay izy. Atsangano ny t ananareo. Ndao isika hijery ny Pentekosta. Ndao isika hijery ny vahoakan'Andriamanitra. Hanangana ny t anako aho. "Tomo, inty aho. Iraho aho." Ento  ry ny Anjely iray miaraka amin'ny arin'ny alitara ka alefaso ny Herinao ho eo aminay, Tompo. Andriamanitra, ekeo izany ao amin'ny fahafenoan'Ny Fanahinao, O Ray. Henoy ny vavakay, O Tompo. Henoy ny vavakay, amin'ny maha-zanaka mino izay mitsangana. Ho deraina anie Ny Anarany.

<sup>152</sup> Oh, toy ny hoe miraraka ireo onjan'ny voninahitra, oh, ireo andon'ny famindrampo. O, ho an'Andriamanitra ny dera. Enga anie hiandry ny fanahinay. Mino an'izany ve ianareo? Mino an'izany ve ianareo? Iza no Fanahy Masina izay tonga. Iza ilay hery tsy hita maso izay mitondra antsika ho ao amin'ny Fanjakan'Andriamanitra, ireo fitahian'ny Pentekosta. Miverena ao an-trano. Ianareo no andrasana ao an-trano. Vahoaka sarobidy ianareo. Mila anareo hanokana ny tenanareo Andriamanitra. Ry vehivavy, diovy ny tenanareo. Ry lehilahy, diovy ny tenanareo. Ndao isika hiverina amin'Andriamanitra ka hanompo an'Andriamanitra amin'ny fo iray tena madio.

<sup>153</sup> Deraina Andriamanitra, ato amin'ny fivoriana ny Fanahy Masina. Ataoovy fotsiny izay tsapanareo fa voatarika hatao. Avelao fotsiny ny Fanahy Masina hihetsika eo aminareo. Tsy misy na inona na inona azoko lazaina. Tsy fantatro fotsiny izay ho lazaina ankehitriny. Manerana ny tranobe manontolo mihitsy ny Fanahy Masina. Isaorana anie ny Anaran'ny Tompo. Ho an'ny Tompo ny dera. Oh, Haleloia! Haleloia! Ho an'ny Tompo ny dera. Deraina ny Tompo. Mahafinaritra toy ny ahoana, be voninahitra toy ny ahoana. . . Tsara tarehy toy ny ahoana, mahafinaritra toy

ny ahoana ny fideran'ireo olo-masin'Andriamanitra eo amin'ny tavanareo, eo amin'ny Fanatrehan'ny Fanahy Masina eto izay mihetsika sy maneho amintsika ny Voninahiny eo amin'ireto olona marobe iray saina ireto, midera Ny Anarany.

<sup>154</sup> Mitodiha avy hatrany manodidina ka raiso t̄anana ny olona iray, manaova hoe, “Deraina ny Tompo, rahalahy. Deraina ny Tompo, rahavavy.” Ndao isika hiditra avy hatrany ka hamela an'Andriamanitra hanetsika antsika. Deraina ny Tompo. Marina izany. Ianareo Metodista rehetra, sy Batista, sy Presbyterana, Pentekotista, sy Adventistan'ny Andro Fahafito, ary na inona na inona ianareo, mifandraisa t̄anana eo amin'ny Fanatrehan'ny Tompo Andriamanitra. Izay ilay izy. Oh, Haleloia! Haleloia! Haleloia! Oh, tena faly aho fa isan'izy ireo. Tena faly aho. Oh, mandrava an'ireo rindrina, manala an'ireo tsi-fahadiovana. Voninahitra! Fahalalahana ao amin'ny Tompo, midera ny Anarany Masina... Isaorana anie ny Anaran'ny Tompo. Oh, Haleloia! Deraina Andriamanitra.

<sup>155</sup> Oh, tiako fotsiny ny mahita an'izao: vahoaka mifandray t̄anana ka manazava ny tavany. Ilay herin'Andriamanitra manao hoe, “Izay ilay izy. Izay ilay izy, zanak'Andriamanitra isika. Fiangonana anankiray goavana be isika rehetra, olona anankiray goavana be ao amin'i Kristy Jesosy, Ny Ampakariny, ilay Anankiray be voninahitra.” Miha-manakaiky ny fihavian'ny Tompo. Miara-miangona ny Vahoakany ary mifankatia... miaraka amin'ny fitiavana sy ny herin'Ny Fanatrehan'ny. Oh, tahakan'ny Lanitra izao. Oh, tsara izao. Amena. Oh, be voninahitra toy ny ahoana, mahafinaritra toy ny ahoana: manompo ny Tompo fotsiny ao amin'ny Fanahy sy ny hery. Fotoana iray toy ny inona. (Ity no hampijanonana; manomboka isika.)

<sup>156</sup> Tsy nisy fotsiny... Niteny tamin'ireo rahalahy aho hoe, “Rahalahy, tsy misy toerana hijanonana.” Tsy misy toerana eto izay... Tsy nanomboka mihitsy isika, noho izany dia tsy hijanona isika. Izao fotsiny—mahafinaritra fotsiny... Firy no mahatsapa ho tena tsara? Ny Fanatrehan'ny Tompo fotsiny, oh, oadray, mahafinaritra izany, ny Fanatrehan'ny Tompo eto.

<sup>157</sup> Ankehitriny, eto ny Fanatrehan'ny Tompo hanasitrana ny marary, hanao ny vahoaka ho salama. Minoa Azy fotsiny. Mino Azy ve ianareo? Raha afaka hino Azy isika, dia azo atao ny zavatra rehetra. Mino an'izany ve ianareo? Mino ve ianareo fa izany no Fanatrehan'ny Tompo?


<sup>158</sup> Ankehitriny, ianareo raha mbola... Omeo fotoana iray fotsiny aho, fotoana iray fotsiny ankehitriny, dia henoy vetivety fotsiny. Mamelà ahy hanaporofa aminareo fa izany no Fanahy Masina eto. Mamelà ahy haneho fa ny Fanahy Masina, ilay Anankiray mihitsy izay manao an'ilay firesahana, ilay Anankiray izay manao an'ilay zavatra, dia mahafantatra

an'izany. Firy eto ankehitriny, no tonga eto marary? Aoka ho hita ny tânanareo. Ireo izay nanana aretina iray . . . Misy olona . . .

<sup>159</sup> Misy lehilahy iray mitsangana eo. Mino ve ianao, andriamatoa? Tsy misy karatra fangataham-bavaka eo, saingy mino ve ianao fa afaka manasitrana anao Andriamanitra? Mino ve ianao fa afaka miteny amiko ny olanao Izy? Ao amin'ny valahanao ilay izy. Vonona ho amin'ny fandidiana iray ianao. Marina izany. Ny anaranao dia Atoa. Cartwright. Marina izany. Marina ve izany? Ahofahofao ny tânanao. Eny àry. Mandehana mody dia aoka ho salama, tsy hila an'izany ianao. Mino an'izany ve ianao?

<sup>160</sup> Io lehilahy mihazona an'io zazakely amin'ny sandriny io, mino ahy ho mpanompon'Andriamanitra ve ianao? Mino an'izao ho ny Fanahy Masina ve ianao? Tsy mahafantatra anao aho, marina ve izany? Tsy mbola nahita anao mihitsy aho teo amin'ny fiainako; vahiny isika. Mino ve ianao fa afaka miteny amiko ny Fanahy Masina hoe inona ny olana amin'io zazakely io? Tratry ny tandimerina. Marina izany. Tsy marina ve izany? Izany tokoa. Tsy avy eto ianao. Tsia. Tratry ny aretim-bavony ianao, mijaly amin'izany ianao, ny tenanao. Marina izany, sa tsy izany? Avy any Kansas City ianao. Eny àry. Miverena, Jesosy Kristy no manao anao ho salama. Haleloia! Minoa ianao. Mino an'izany amin'ny fonao rehetra ve ianao?

<sup>161</sup> Eto ilay Anjelin'ny Tompo, manaloka eo ambonin'ity kely—ity ramatoa kely bitika ity, somary azon-taona, mipetraka eto mihitsy, mijaly amin'ny hernia. Mino ve ianao fa Andriamanitra dia hanasitrana anao amin'io hernia io, ranabavy? Ianao, miaraka amin'ny voninkazo mena kely eo amin'ny satrokao, atsangano ny tânanao. Eny àry. Mandehana mody ary aoka ho salama. Amena. Oh, izany no Andriamanitra; izany no Kristy ilay Zanak'Andriamanitra. Nitsangana tamin'ny maty Izy. Eto Izy.

<sup>162</sup> Ankehitriny, apetraho eo amin'ny hafa ny tânanareo ka manolora fotsiny vanim-potoam-bavaka tsara iray, ny tsirairay avy aminareo, raha mangataka olona iray ho tonga eto aho. Avia eto, rahalahy. Raha mbola mametraka ny tânanareo eo amin'ny iray hafa ianareo mba haneho fa manasitrana ihany koa Andriamanitra, hangataka an'ilay rahalahy ho eto aho hanolotra vavaka ihany koa. (Mandrosoa. Eny àry.) Ho an'ny Tompo Andriamanitra ny dera. 

*MINO AN'IZANY VE IANAO?* MAG60-0402  
(Believest Thou This?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy, 2 Aprily 1960, tao amin'ny Municipal Auditorium ao Tulsa, Oklahoma, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)